



Cambridge O Level

SETSWANA**3158/02**

Paper 2 Literature

October/November 2021**1 hour 30 minutes**

You must answer on the enclosed answer booklet.

You will need: Answer booklet (enclosed)

INSTRUCTIONS

- Answer **four** questions in total:
 - Section A: answer **one** question.
 - Section B: answer **one** question.
 - Section C: answer Question 7 and **one** other question.
- Follow the instructions on the front cover of the answer booklet. If you need additional answer paper, ask the invigilator for a continuation booklet.

INFORMATION

- The total mark for this paper is 75.
- The number of marks for each question or part question is shown in brackets [].

This document has **8** pages. Any blank pages are indicated.

Section A

KAROLO A: KHUTSHWE/PADI

Ela tlhoko: Kwala boleele jwa tsebe le seripa mo potsong nngwe le nngwe.

Araba Potso 1 kgotsa Potso 2.**1** *Papetlana* – M. M. Tselaesele

‘Segotsa se a fetelela.’ Tlhalosa bokao ba seane se o ikaegile ka ditiragalo tsa lokwalo lo.

[Maduo otlhe: 25]

Kgotsa**2** *Setlhoa sa thaba* – O. Gaborone

Ga twe, ‘khutsana e e sa sweng e letile monono’. Supa tlhotlheletso ya seane se mo loeto lwa ga Matlhomola lwa bosielwa.

[Maduo otlhe: 25]

Section B

KAROLO B: MOTSHAMEKO/TERAMA

Ela tlhoko: Kwala boleele jwa tsebe le seripa mo potsong nngwe le nngwe.

Araba Potso 3 kgotsa Potso 4.**3** *Leapeetswe* – O. Otladisang

Motlhanka ga a na maitsetsepelo – o pheulwa ke phešwana nngwe le nngwe e e iphokelang. A mme ke nnete? Dumela kgotsa ganetsa o ikaegile ka ditiragalo tsa terama e.

[Maduo otlhe: 25]

Kgotsa**4** *Tiro ga se lefela* – N.K.H. Moncho

O ikaegile ka modiragatsi Rra-Ipuseng, supa tshimologo, setlhoa le bokhutlo jwa terama e.

[Maduo otlhe: 25]

Section C

KAROLO C: POKO

Ela tlhoko: Kwala boleele jwa tsebe le seripa mo potsong nngwe le nngwe.

Araba Potso 5 le Potso 7 kgotsa Potso 6 le Potso 7.

5 *Sefalana sa menate* – L.D. Raditladi

Bala leboko le le latelang morago o arabe potso e e tlhagelelang kwa bokhutlong jwa lona.

Seetebosigo

Rra, se ete bosigo, o tla gatsela.
 Ngwana, o tla gaupana le menwana,
 Dikeledi matlhong di tla elela,
 Dinko di tla tshologa lemina.
 Naka borwa e tlhabile go rena,
 Bonang tse dingwe ga di a tlhalefa,
 Le ngwedi ga a phatsime, o a boifa.

Ga go na le motho o gatang sekau,
 Re tsofetse jang go tsweng maloba,
 Dinao tsa rona ke maroo a tlou,
 E kete bannana ba maloba,
 Tsa batho ba sa bolo go tshaba,
 Lobelo lo ba remile dinao,
 Ba gata e kete ba dira dinyao.

Serepoding ntšwa e a ngunanguna,
 E ntse e roromisa le dirope,
 O ka re e ka lopa Tintibana
 A e bipe mmele ka morogo wa thepe.
 Godimo a e rulelela mogope
 Kwa sekgwaneng sele sa matlhware,
 Tlhareng di tlhotlhoregang matlhare.

Matlhare a phapasela godimo,
 O ka re dinku di fula phefong.
 Le ditlhare di supa mmopamo,
 Ke matlharapana fela a dikgong.
 Ditsitsiri ga di yo dikobong,
 Madi a batho tota ga di a senke,
 Di maname tsotlhe, ga dia a umake.

Ka kwa segotlong go digagapa,
 Basimane ba lwela legala,
 Molelo o digetswe ditlharapa,
 O oriwa ke yo o sa itseng botsala.
 Mašwi kwa sakeng a tla nyelela,
 Seetebosigo o dira selelo,
 O dirile jaaka ngwana wa lesilo.

Lenaga la rona le lehumeng,
Le apotse kobo ya letlhafula,
La ikgasa bosetlha dipounameng,
Digogwane tsa tlhoka difela,
Dinonyane tsa itsapa go lela,
Lekoko la koko la kokoana
Mosong letsatsing le sa sirana.

Ditlhapi tsa noka di a sotlega,
Di wetswe ke selomamasigo,
Sukasuke la kgwedi ya mariga,
La kgwedi eno ya Seetebosigo;
Kgofe ga e yo bosigo, lesogo
Le robala mangole le a hunne,
Le menoto ya maoto le e gone.

Dikgwedi di kabo di itlhophelwa,
Kgwedi e nkabo ke e gasetsa fale,
Ke e latlha ka thata ya motho a lwa
Lehufa la rona ga le fele,
Le tla fela tsatsi le tlabile,
Kobo ya batlhanka ke e apere,
Naga e ntle go sa kue pherere.

Setlhogo sa leboko le, se a itlhalosa. Supa gore kgwedi e, e ama ditshedi jang o ikaegile ka diteng tsa leboko le.

[Maduo otlhe: 15]

Kgotsa**6** *Lookana* – R.F. Mokobi

Bala leboko le le latelang, morago o arabe dipotso tse di tlhagelelang kwa bokhutlong jwa lona.

Madi

Papetlana ya makgoa ledi tlhora boroko,
 Wa nna nayo wa tlhoka boroko lapeng,
 Wa e tlhoka le gone wa tlhoka boroko.
 Mmaba o sekeng a tlhokafala kgetsaneng,
 Mohumi le mohumanegi ba mo rata ka go tshwana,
 Ba ka lala ba apaapa dikobo bosigo ba batla ledi.

Madi moratwa ke mogolo le monnye setšhabeng,
 A paletse le bone barutwa ba Morena tota
 Ba mo lalela jaaka lemphorwana sentlhageng,
 A iphitlhela a setse a wetse dira go le motshegare
 Tsa mmogisa kwanyana ya Modimo a itlhoboga,
 Ba mo itatola go sikara mokgoro le ene.

Bangwe madi ba a rata go feta le jone botshelo jwa motho.
 Ba ka tsenelela motho mo ntlong ba mo kgama ka segole,
 Ba tloga ba sibasiba ka kgetsana ya madi bosigo
 Ba ralala mpa ya naga ba inaya lefatshe.
 Ya re mokgosi o utlwala mong a ba a rapaletse kgodung e khibidu,
 Banna ba molao ba fitlhele naga e le kgolokgolo.

Madi ke madira dintle, madira di maswe,
 A kgaoganya monna le mosadi lelwapeng,
 A kgaoganya rangwana le ngwana kgotleng
 Ngwana a ralale naga a fetoge morwa sesinyi,
 A a ja monate wa lefatshe a lebetse motlha wa bofelo.

Goreng mmoki a re madi ke papetlana ya makgoa: “Wa nna nayo wa tlhoka boroko lapeng, wa e tlhoka le gone wa tlhoka boroko”? Supa bonnete ba se o ikaegile ka diteng tsa leboko le.

[Maduo otlhe: 15]

7 Maswe a dinala – B. Mokgosi

Bala leboko le le latelang, morago o arabe dipotso tse di le latelang.

Katse

Ngao! Ngao! Nnnngaaaaaaooooo!
 Go ngaolangaola ke puo ya me
 Ke ngaola ke ikuela le ke ithapelela
 Tota le ke itumetse ke ipelafatsa,
 Ke ntse ke itatswa dipounama le ditetswana.
 Maitseo mantle a a tikwa ke kwano
 Ke dirisanya le motho a paletseng bontsi.
 Ba re ke lelope ga ba nkakele
 Ke nna matobetobeng ba sa a boneng.
 Ke mohumagadi ke alelwa phate ya podi
 Ke robale ke be ke kgolege leino
 Letsatsi le be le mphisi marago.
 Ke tsapoga semokwepa o mosesane
 Nonyane e fofa e itsenya matsapa
 Ke e phoronya e sa ya gope.
 Bopeba ke ba tshwarisa segatsetsa.
 Mphe malatsi a me a oketsege
 Maseana a me a tle a thuthuge otlhe
 A itse go ratela legoreng
 E re ke swa ke se game lefisa.

- (a) Katse ke phologotswana e e mabela. A o dumalana le ntlha e? Supa se, o ikaegile ka diteng tsa leboko le. [6]
- (b) 'Ngao! Ngao! Nnnngaaaaaaooooo!' Ke karolo efe ya puo? [1]
- (c) 'Letsatsi le mphisi marago.' Tlhalosa bokao jwa leele le. [2]
- (d) 'Ke tsapoga semokwepa o mosesane.' Ke sekapuo sefe se se dirisitsweng fa? [1]

[Maduo otlhe: 10]

BLANK PAGE

Permission to reproduce items where third-party owned material protected by copyright is included has been sought and cleared where possible. Every reasonable effort has been made by the publisher (UCLES) to trace copyright holders, but if any items requiring clearance have unwittingly been included, the publisher will be pleased to make amends at the earliest possible opportunity.

To avoid the issue of disclosure of answer-related information to candidates, all copyright acknowledgements are reproduced online in the Cambridge Assessment International Education Copyright Acknowledgements Booklet. This is produced for each series of examinations and is freely available to download at www.cambridgeinternational.org after the live examination series.

Cambridge Assessment International Education is part of the Cambridge Assessment Group. Cambridge Assessment is the brand name of the University of Cambridge Local Examinations Syndicate (UCLES), which itself is a department of the University of Cambridge.